

Chindoto na Amaroro

Aramisi (Rigoro ria kane), 29.9.2016
Obochenu gochia ase Omotongi O Kare na Kare!
Obochenu ase Omotongi O Kare na Kare!

CHINDOTO NA AMARORO

na

Jeanine SAUTRON

EKANISA YA FILADELFIA

“ENTIGARI,”

**eyio erendete AMACHIKO
a NYASAE, amo N’ESABATO YE
RITUKO RIA GATANO
NA KABERE, CHUMAMOSI,
NA OKWEGENA KWA YESO.**

**OKWEGENA KWA YESO:
NIGO KORE OMOIKA
BW’OBOBANI.**

**LAODEKIA
EKANISA YA
ABADIBENTISTA:
ETAYA YAYE
YARIMIRE.**

Chindoto na Amaroro

Egesieri 519, Oborori Namba 1

⁽¹⁾ Ekeru namerete egetabu egeke ekerabu
ki’obobani bwa Danieli, Yeso agantebia, “**Ngochia
ore kobanera Laodekia na ense.**”

⁽²⁾ Oborori obo nigo bore igoro **y’abadibentista**
bare ime ase ense:

Ekanisa ya Laodekia.

Chindoto na Amaroro

Egesieri 519, Oborori Namba 2

Oborori

⁽¹⁾ Emiaka meke yaetire nyuma y’oborori obo,
ekina kia abare moyo geakaera ase abadibentista.
Abwoabwo nyuma yaye, abanto aba bakarusingwa
korwa ase obokuani bw’omwana o Nyasae.

⁽²⁾ Ase oborori, omotomwa one agantebia,
“Inchuo, ngokoiri nde igoro ochie koumerana
nomwana o Nyasae. Mbwatie.”

⁽³⁾ Ase oborori obo, nenyorire kinde igoro.
Inkaigwa chikwaya (abateri) chia abamalaika,
chigotera namakano namariogi aigwanaine. Igoro
nigo yare gotera na komosasima YESO.

⁽⁴⁾ Omotomwa one agantebia, “Inchuo, Yeso
nakoganyete.” Nigo narengenge bosio bw’egesieri
ekenene. Bwango, egesieri geakaigoka. Nigo arengenge
Yeso. Akandotota na agantebia,

“Kwaariganigwe!

Obuya bwane bwagoisanire.”

Chindoto na Amaroro

Egesieri 519, Oborori Namba 3

⁽¹⁾ Ime y’erumu eye, inkarora Yeso oyio, nyuma
y’okobeka chitaya echi inse, ogochitongia. Nigo
narigereretie keria are gokora. Nkaigwa ng’a
oboamate bwane amo nere nigo bwarengenge obwa
ang’e mono. Korwa ekeru gochia ase ekende, nigo
are kondigereria na onsasokera.

⁽²⁾ Erio agantebia, “**Chitaya isano na ibere (7)
nchire inse.**”—Ingachirigereria. Naki chikare
ekieni!

⁽³⁾ Naende agantebia, “**Obuya bwane
bwagoisanire.**”

⁽⁴⁾ Chionsi nigo chiabwate oborabu obuya
bokomesa. Chinguru chi’oborabu obo nigo
chiarengenge ase emerero yabo. Nigo nare koiguswa.

⁽⁵⁾ Yeso nigo arengenge gotaara egati ye chitaya echi
isano na ibere (7). Oborabu bwe chianga chiaye na
oborabu bwe chitaya ase oborori obo bokagera
nkarora obuya bw’omwana o Nyasae, bokaorokia
obonene bwa Nyasae. Ngaaka egeturi:

“Obonene! Obonene! Obonene!”

⁽⁶⁾ Inkara ogosoka korwa aase aya, agantiga
inche bweka. Korende ekeru konyora ataragenda,
gantebia, “**Obuya bwane bwagoisanire.**”
**Kwanyorire obuya obongenge erio onyare kobera
aase aya iga.”**

(7) Bono nigo narengi inche bweka nechitaya echi. Nkarora chinguru chi'emero yabo, echio isano na ibere (7) chire amo. Nkaigusigwa.

(8) Ekero narigereretie inse, nabo nare gwatanana chinsagia chiabo echio chiabachire ase ekieni ekenene mono. Inkarora ng'a emerero yabo tiyare gonsamba. Tinaigwete riberera riabo. Nigo narengi aroro ase obuya bwa YESO, oyio ong'ete ribaga ri'okorora amakumia aya.

(9) Inkerigereria. Inkarora ng'a chianga chiane nigo chiarengi chindabu, chitabwati getamase, buna chiria chia YESO; naende nigo natachete inse intabegeti bikoroto. Nigo narengi ase obonene bwa aase aya are noborabu obonene nekieni ekiya mono naende are agiya.

(10) Nigo bwarengi obonene naende obwa beene. Ingategichigwa. Inkarora chinguru nokobwa kw'emero yabo. Inkaigwa eriogi ri'omosacha rikorwa ase eyemo yabo, erio riantebetie, "Nimanyete erieta riao nigo okorokwa Jeanine. Kwanyorire omoika bw'obobani. Nigo inde na Filadelfia. Aye nigo ore aiga na Filadelfia."

(11) Inkarora ng'a egati ye chitaya echi isano na ibere (7), eyemo nigo yabwate erieta eri:

"Filadelfia."

(12) Inkamanya ng'a chionsi nigo chiandigereretie na nkaigwa nde ang'e nachio. Inkaiguswa.

Chindoto na Amaroro

Egesieri 519, Oborori Namba 4

(1) Tinarengi koeyana, ase igo, erioki riabo tiriarengi gonchanda.

(2) Ekero naganyete, egati ye chitaya echi isano na ibere (7) inkarora etaya eyemo yare kona gokea chinguru. Omorero oye okana gokea ng'ooro, na omoerio ekarima bibibi.

(3) Ase oborori obo, inkagenda ang'e mono ase etaya eye, na nkarora ng'a amaguta aye konyora akeire na omoerio oye egatigara ere enyomo etabwati maguta. Tiyachiete gotwara amaguta naende. Omorero oye okarima bibibi. Egakwa.

(4) Egesieri gekaigoka. Yeso akagenda gochia ase etaya eyio etabwate maguta nonya make gose

omorero, na akayerusia korwa aase aye, korwa aase aya ase yare amo nechinde.

(5) Ase oborori ngachicha aang'e mono. Yeso akanyorokia, na nkarora, igoro ase eyemo ye chinsagia chiaye echio chiabachire buya mono arikire:

Laodekia: Omwaka 1845.

(6) Ngatebia Yeso: "Oyio nomwaka bw'Ellen White."—Yeso akang'iraneria, "**Oborabu bwaye nigo bwarimete, nigo ekwete. Tebwati amaguta. Nigo yatigete komesa ero enyene. Omobisa one, saitani, okorokwa kerecha, nere okorete ekio...**"

(7) Yeso akagenderera kong'iraneria, "**Namaene, nigo yarengi etaya ya Laodekia. Korende bono teiyo naende. Yakure. Nkorwa chitariki echio chi'omwaka 1845 nario omoika bw'obobani obete okoorokerigwa ekanisa eye ya Laodekia, na Ellen White. Na ase amatuko y'omoerio, omoika bw'obobani naye okoorokeria Filadelfia, aye Jeanine, ase Chindoto na Amaroro.**"

(8) Inkamorora obogoretie etaya. Agantebia: "**Yeimokie. Yebwate.**" — Inkairoka aande ake mbaisa koyetiga egwe inse.

(9) Yeso agantebia, "**Obuya bwane bwagoisanire.**"

(10) Inkaira etaya eye korwa ase okoboko kwa Yeso; na ekero nayebwatete, nkamanya ng'a nigo yare engusu [tiyarengi ndito].

(11) Yeso agantebia, "**Nase engencho etabwati amaguta ime ye tangi yaye, nakio gekogera ere engusu, buna abadibentista. Bonsi nigo bare abagusu, abanto bosa.**"

(12) Erio akayerusia korwa ase okoboko kwane. Noborori bokaera.

Chindoto na Amaroro 519, Oborori Namba 5

(1) Inkarora Yeso okaira etaya eria yarimete, bosio bw'omosangererekano bw'abamalaika na abagaka baria emerongo ebere na bane (24). Inkarora ng'a taimokereretie etaya eye ya Laodekia igoro.

(2) Yeso agantebia, "Bono tebwati kende gionsi gia kemoika, gose nsoni chinde chionsi. Ero

nentayayi.”

⁽³⁾ Agantebia, “Naama, oborabu bwa Laodekia nigo bwarimete. Kanga nigo yabete oborabu bw’ense. Ekanisa eye ya Laodekia yakorire obotomani ero enyene na Baali, nemori y’etahabu, nenyasae ye risase. Ero nigo yabete omobere oyomo nomotayayi. Eke iga nigo naorokeretigwe nomotomwa one *Yohana ase Okomaanoka*. Nayiangire. Nigo ere Laodekia etabwati obwegenwa. Yakorire obotomani neng’iti goetera ase ogwancha ekemanyererio kiaye. Ime yaye nigo ebwate eng’iti ebwate amagunchara buna ay’emanwa y’eng’ondi.”

⁽⁴⁾ Yeso nigo akweresa. “Nakwo ogoteba, abadairegita aba, abarisia aba, barabwo abanyene mbabwate ekemanyererio eke, naende mbachande abachenu.”

⁽⁵⁾ Ase ensemu yabo, amorokererio y’ekanisa ya Laodekia aburukanigwe nomorero omogeni, ase ogwancha kwabo. Nigo bateanete ase ogwancha goetera ase okwanga oborabu nebieene bikorwa igoro.”

⁽⁶⁾ “*Ekanisa* ya Laodekia ya abadibentista yanyure edivai y’omotayayi. Nigo etindete nedivai y’obotomani bwaye amo na Babeli. Abarisia aba nigo bare ebichero bagokora emeremo bobisi bagotumia okororekana gw’okomokorera kristo okwo kore okw’oborimo erio banyore oroboti bakoirera abasigari gose eserekari.”¹

¹ **Oboke nobw’abarisia abwo bagosaria na goserebania ching’ondi chie riicho riane!** Nabo YAHWEH, Nyasae bw’Abaisraeli agoteba igoro y’abarisia, abwo babekire korenda abanto baane: Inwe mwaserebanirie riicho riane, mwariseririe gochia aare, gose timwariechanderete. **Naama! Nimbae inwe egesusuro ase engencho y’ogokora kwaino okobe.** Ase ayio inche omonyene ninsangererie abatigari be riicho riane, mbarusie korwa chinse chionsi agwo ase nabasiarerete gochia, nimbairanie gocha ase obweri bwabo, nabarabwo nabaibore na komentekana. Nimbabekere abarisia, abwo barabarende, na abanto baane tibakoba nobwoba nonya ng’ake, gose tibakoondoka, gose onde takonyara gosira. Nabo

YAHWEH atebire. YAHWEH nigo agoteba iga: Amatuko ngocha are ekero ndasebokie oyomo ore omoseboka omorongwe o Daudi. **Oyio nabe omoruoti, oragambe** nobong’aini na konacha ebina bi’ekeene na ebi’oborongwe ase ense. Ase amatuko aye **Abayahudi nabatoorigwe na Abaisraeli bamenye ase obotoereru**, na oyio narokwe: “Nere **YAHWEH oborongwe Bwaito.**” Ase ayio YAHWEH otebire ng’ayio amatuko ngocha are, ekero abanto batakwane: Ekeene, buna YAHWEH are moyo, oyio orusetie Abaisraeli korwa ase ense ya Misiri. Ribaga ri’ayio nigo barakwane: **Ekeene, buna YAHWEH are moyo, oyio orusetie na koraa ororeria rw’Abaisraeli korwa ase ense ya sugusu, na korwa ase chinse chionsi agwo ase abaseretie gochia. Erio mbamenye ase ense yabo abanyene.**” *Yeremia 23:1-8.*

⁽⁷⁾ “Amorokererio, noborabu bwonsi Laodekia yaorokerigwe, nigo asang’ananirire namorokererio y’abanto b’ebisaku na nigo aburukanirie nemerero emegeni ye chikanisa echi chi’abanto b’ebisaku.”

⁽⁸⁾ “Laodekia nigo ere omoriakari omotomani naende omotayayi. Bwangirwe na tata one ore igoro.

Nigo are nomobisa o kristo
nobomo bwe chikanisa.

Nigo ebwate ekemanyererio kiaye **666:**

Esinagogi ya saitani.”

⁽⁹⁾ Yeso agateba, ekero arenge kworokia omosangererekano bw’abamalaika nabagaka emerongo ebere na bane (24), etaya eye yarimete, “Ero nomotayayi. Nigo yechaberete etahabu, amagena e rigori, nechianza chie rigori rinene. Nigo etindete nedivai y’obotomani bwaye.”

⁽¹⁰⁾ Yeso agateba, nigo yetonete obobariri, namagena e rigoro nayare monyinga, nechianza chimwamu buna ebigonkoru; naende yanyure edivai yaye goika eturubo. Nigo ere omotayayi o Babeli.”

⁽¹¹⁾ Inkarora abamalaika bakorera. Nigo babeete, okobee kw’amakweri. Inkamanya igoro y’okobee oko kwaime mono okwo kware ime yabo.

Chindoto na Amaroro

Egesieri 519, Oborori Namba 6

⁽¹⁾ Inkaba nde ase oborori.

⁽²⁾ Omotomwa one akang’ira ase egeikaro kia abadibentista ime ya Amerika.

⁽³⁾ Agantebia, “Yeso nao are aroro aaria; Nigo

akoganyete. Mbwatie.”

⁽⁴⁾ Ingasoa ime y’egeikaro eke. Omoika omochenu okamanyia ng’a nigo yarengere riborio igoro yamaamereranio igoro y’omoika bw’obobani bw’Ellen White na Jeanine Sautron.

⁽⁵⁾ Inkarora ng’a Yeso nao arenge ase egeikaro eke na nigo arenge kobwatia amaamererio aya onsi. Nigo ateneine na nigo arenge omogeni, otarengere kororekana namaiso abo.

⁽⁶⁾ Nyuma kobakoranire nomoika bw’obobani bw’Ellen na Jeanine sautron ase omonwa bw’Egesongo, Yeso, ore omonene naende ore nobonene, akeorokia omonyene bosio bwa abatairegita *abwo* basaregete nedivai y’omotayayi.²

⁽⁷⁾ Inkarora okogenda gochia bosio ogotaara inse. Agachaka gokwana, okobatebia igoro y’ebirengererio biaye na igoro y’ekina. Ayio nigo ayakwanete ase omonwa one, bw’Egefaransa.

⁽⁸⁾ Atari gokengania kende gionsi, akabatebia bonsi, **“Mwakorire ebibe mamincha ya tata nainche, omwana o Nyasae. Mwakorire ebibe mamincha y’omoika omochenu o Nyasae. Inwe, aba more ase amaagacho y’omong’ina Ellen White, mwangire oborabu obo bwonsi bw’omoika bw’obobani, mwebekire eubi abanyene nobomo bwe chikanisa echi. Ninwe abatayayi b’Okomaanoka kwa Yohana.”**

⁽⁹⁾ **“Mwangire Chindoto na Amaroro** chia Jeanine Sautron. Mwangire Ellen White, omoika bw’obobani.

Ellen White na Jeanine Sautron

nigo babwekaine na nigo bare ab’omoika oyomo.

Yeso agateba:

“Nigo babwate ekemanyererio kia igoro.”

⁽¹⁰⁾ Yeso agateba,

“Tenena, inwe abanto abatomani naende abatayayi, tenena, rigereria:

Omobisa o kristo, saitani ore ase omobere bw’omonto nao

aikaransete ase egati yaino.”

⁽¹¹⁾ Abanto aba bagatenena, na bagasoncha saitani omonyene.

⁽¹²⁾ Yeso akagenderera, “Mwakorire ebibe mamincha y’omoika omochenu o Nyasae. Nigo kere ekebe getari kwabereka. Mwachaboirwe korwa ase obokuani bwane. Bono omogayani taiyo ase

Laodekia. Etaya yaye yakure, yarimire.”

⁽¹³⁾ Yeso agateba, **“Omoika one orimire ase egati y’abatomani na abadibentista begeBabeli. Nasokire korwa ase Laodekia eye.”**

⁽¹⁴⁾ Yeso nigo ateneine ensemu ase bakorandera (sindagogi), aang’e nomorandia. Agateba: **“Onye nomomalaika natoma korwa igoro abararerie igoro y’obokayayu bwaino, obotomani bwaino, oboigatwa bwaino, obosaria bwaino, timwarengere kwegenana.”**

⁽¹⁵⁾ Nigo nare koiguswa. Amang’ana aya nigo arenge korwa ase omonwa oye buna omoyio o birende ore nobwogere chinsemu ibere.³

⁽¹⁶⁾ Yeso nigo arenge korwa okumu na kobagambia *abanto* aba batenenerete emeremo, abaraai abanene, abarisia aba, amo nababwatani babo.

⁽¹⁷⁾ Yeso akabakwanera bokong’u, abadibentista aba bare ime y’ense engima. Oborabu bwe etaya yabo buna konyora bwarimigwe, chikanisa chionsi chia abadibentista nigo chire ase omosunte. Eke nakio kiagerete Yeso atabwate kerengererio kende gionsi ase bare.

⁽¹⁸⁾ Agateba, **“Inwe timori kende motabwati obuya bw’Omonene.** Timobwati kende getigarete, inwe timobwati kende.

⁽¹⁹⁾ Agakwana neriogi rinene naende rikoigwekana buya, “Nigo morabeke ekebwekaine kia Ellen ime y’amaagacho aye, esinagogi ya saitan, aaria Silver Spring, Maryland. Nakio Maria omwekungu oino. Nigo morabeke omogwekano oyo bw’ogosasimwa ensemu ase etaya eye erimete ya Laodekia.”

⁽²⁰⁾ Timobwati kende getigarete, timobwati gento. Nigo mobwate ekebwekaine kiaino kenga mosio bw’Ellen White ase egati yaino, boigo mwamwangire. **Mwangire Chindoto na Amaroro chia Jeanine Sautron; mwangire Ellen White.”**

⁽²¹⁾ Yeso nigo arenge kobakora bamanye ng’a bakorire ebibe mamincha y’omoika o Nyasae: *Chindoto na Amaroro nomoika bw’obobani bw’Ellen White*. Omwana o Nyasae agateba, “nigo obwekaine naende nomoika oyomo. **Mwagambigwe bosio bw’oboiko bwonsi bw’obotongi bwa Nyasae.”**

⁽²²⁾ **“Ekanisa ya Laodekia y’abadibentista nigo bare abanto b’ebisaku, bachaboirwe korwa ase obokuani bwa Yeso goetera ase amanyinga aye**

ayio agototooria korwa ase ebibe.”

⁽²³⁾ Naama, ninki oyore Amina agokwana?

**“Nigo nde moyo.” agateba Oyo Kare na Kare.
“Nimanyete ogokora kwao.”**

⁽²⁴⁾ Yeso nigo arenge gokwana maiso marore buna ebinto bire. Akagambia abadibentista ime ye chikanisa chiabo.

⁽²⁵⁾ Agateba, “Nigo more ebichero mogokora emeremo bobisi mogotumia okororekana gw’okomokorera kristo okwo kore okw’oborimo erio monyore oroboti mokoira abasigari gose eserekari. Timori na gento getigarete. Timobwati kende naende getigarete. Nigo more abataka, abanto b’emechando, abanto bagwenerete kororerwa amabeebe, emeuko, na more getirianda. Bono timobwati etahabu, amaguta, gose chianga chindabu, inwe, chikanisa chia abadibentista. **Timobwati kende getigarete, gento tikeiyo. Nigo more ase egesunte.**

Nigo more abanto bakogenda gochia
ase **obosiru.**⁴

**Nigo bare
nomobisa o kristo
nebirecha biaye.”**

⁽²⁶⁾ Yeso nigo arenge gokwana. Nigo yare buna omoyio o birende ore nobwoge chinsemo ibere: Inkaiguswa.

⁽²⁷⁾ Agatebia abadibentista:

**“GENDA FRANSI,
GENDA LOURDES**

na mwagaache ekebwekaine kiano ekio mwaroisirie korwa ase Ellen White!”

⁽²⁸⁾ **“Genda inwe abanto more abatamani
naende abatayayi,**

**GENDA LOURDES
FRANSI.**

na mobwatane nabagendi be chikanisa echi chi’ebisaku amo **nomwekung’i obo Maria aaria Lourdes. Genda** naende mobwatekane amo nabarabwo!”

² “Abanto abange mbacheneke na koraba, babe basibekire, korende abakori amabe mbagenderere gokora amabe, **onde tagotoka ase abakori amabe orabe nokomanya,** korende abare nabong’aini mbamanye.” *Danieli* 12:10.

^{3 13} Naende ere [*Yeso*] obekeire eganchwa etobekire ase amanyinga, na erieta riaye are korokwa Ring’ana ria YAHWEH.¹⁴ Na emeganda y’esegi ere igoro ekamotunyana, na abwo bariinete chibarasi chindabu, babekeire chianga chi’egatani engiya endabu.¹⁵

Korwa ase omonwa oye okaruao omoyio o birende ore omwoge, na ase oyio naake abanto b’ebisaku [*Abanto b’ebisaku, ogotama gwe chingige*]. **Ere nabagambere nenyimbo y’ekioma,** naende natiringe ekemitero ki’edivai **y’endamwamu etindi ya Nyasae Omobui.**¹⁶

Naende nare nerieta ase eganchwa yaye na ase eriagati riaye ririkire iga: OMORUOTI BW’ABARUOTI NA OMONENE BW’ABANENE. *Okomaanoka* 19:13-16.

⁶ “Nabekire **omoruoti** one ase Sayoni, egetunwa kiane egechenu.⁷ Omoruoti otebire, Nindaria amang’ana Omonene aroberetie. Ere agantebia: Aye naye Omwana one, rero nakoiboire.⁸ Omborie, na inche **ninkoe ebisaku bionsi** [*Abanto b’ebisaku, ogotama gwe chingige chikoiruruka*] **bibe omwando oo,** ne chinsemo chionsi chi’ense nchibe echiano.⁹ **Aye nobabutore nenyimbo y’ekioma,** obasegenyie babe buna enyongo yaatirwe.¹⁰ Ase ayio, inwe abaruoti, mobe abang’aini, inwe abagambi b’ense, igwera ogokurerwa oko.” **“Mokorere Omonene more nobwoba na okoiguswa.**¹² Tung’ama inse na koorokia amasikani ase omwana oye. Motakoreti bo, nigo arabe nendamwamu, **abasirie** ase chinchera chiano, **ekiagera endamwamu yaye nigo egwoka bwango. Mbasesenirie abanto bonsi bakomotamera.** *Zaburi* 2:6-12.

²⁶ **Ere oyorabue** na gokora ogokora kwane goika omoerio, oyio nimoe okobua igoro y’abanto b’ebisaku.

²⁷ **Ere nabagambere nenyimbo y’okobua y’ekioma,** na kobaata buna chinyongo. *Okomaanoka* 2:26-27.

⁵ Omokungu oria akaibora omwana omomura, omwana omoisiasia, oyio **nere oragambere ebisaku bionsi** [*Abanto b’ebisaku, ogotama gwe chingige chikoiruruka*] **nenyimbo y’ekioma.** Korende omwana oye agataborigwa gochia igoro ase YAHWEH na ase ekerogo kiaye ki’obonene. *Okomaanoka* 12:5

⁴ **Obosiru:** ogosarigwa gwonsi bibibi (kemobere, kemoika, naende kare na kare).

⁽²⁹⁾ “Ebibe amo neubi ye chikanisa echi chia Babeli nabio tata ominto ore igoro anyorire ime ye

chikanisa chiaino. Nigo more abanto batachenegeti.”
⁽³⁰⁾ “5% nabwo basogete korwa ase egati yaino, 5%. Ninche,” Yeso agateba, “nakorete ogotigana kwabo.”

⁽³¹⁾ YESO agateba, “**Genda** na motware ogosasima gw’Esabato yaino ime ya Lourdes!”

⁽³²⁾ YESO agateba, “Abanto aba nigo bansigete ase ebikoba biabo igoro, korende chinkoro chiabo nigo chire aare korwa asende.”

⁽³³⁾ YESO agateba, “Chisabato chiaino nigo chire okogechia asende. Nigo mogendererete kobeka emebere yaino eubi ne chindagera chitachenegeti. Nigo more ase omosunte ime.”

⁽³⁴⁾ YESO agateba, “**Genda**” mochabere chikanisa chiaino chi’egeadbentista nekebwekaine ki’omwekungi. Mwagaache ekebwekaine ime ase chikanisa chiaino, ekebwekaine eke kia Ellen White!”

⁽³⁵⁾ Nkaba nkoiguswa. YESO nigo arenge nendamwamu. Nigo arenge gosuka gochia ang’e ase ekeoreri kia abaadbentista.

⁽³⁶⁾ “**Nigo more Babeli!**”

⁽³⁷⁾ YESO nigo arenge nendamwamu enene. Agantebia,

“**Toiroka.**

Obuya bwane bwagoisanire.”

⁽³⁸⁾ YESO agateba, “Korwa bono kogenderera, imobwate omwekungi oino Maria, omogwekano oino bw’ogosasima; inamobeke omwekungi oino Ellen White ase chikanisa chiaino chionsi chi’egeadibentista, buna chikanisa chionsi chi’ense echio chibaetanaine, ase chikanisa chiaino chionsi, noyonde bw’omwekungi oino ase esinagogi ya saitani ase obomenyo bwa Silver Spring, Maryland.”

⁽³⁹⁾ Nigo narenge koiguswa. YESO agantebia,

“**Toiroka kende.**

Obuya bwane bwagoisanire.”

⁽⁴⁰⁾ Nkaba nkoraagwa bokong’u nomoika o Nyasae, YESO nigo arenge kobakwanera inse y’oboraai bwa tata omwabo o igoro (oyio ore igoro).

⁽⁴¹⁾ YESO agateba, “**Timori gento kende gionsi, timori kende.**”

⁽⁴²⁾ Amang’ana aya nigo arenge **OKOGAMBIGWA** na **OKONACHERWA KWABO**

EKINA. Abanto aba bagambigwe ase engencho y’okomwanga YESO, omwana o Nyasae. Abaadbentista bairire YESO ribaga ria saitani, na saitani ribaga ria YESO.

Nigo bare nomobisa o krsto

bw’obomo bwe chikanisa.

Chindoto na Amaroro

Egesieri 519, Amaroro Namba 7

⁽¹⁾ Ase amaroro aya, nigo narenge ase YESO ensemu. Agantebia,

“Rika amaroro aya na omanyie abaadbentista ba Laodekia nense.”

⁽²⁾ YESO, omwana o Nyasae, nigo arenge kogambia abanto aba ase ise arenge, oyio orange komokonya aaria igoro. Akabakwanera atari gokengana. Amang’ana aye nigo arenge gocha korwa ase omonwa oye buna omoyio o birende otieririe chinsemu ibere.

⁽³⁾ Entonyi eria yaetanetie, nogoichora goika kegaiteka, nakwo gwakorete Yeso agacha ase egeikaro/kegambero eke. Buna entonyi yaichoretie egekombe kegaiteka, YESO agasinywa koremereria. Naende agantebia, “Ngencho teiyo ekogera ng’atore amarieta igaa. Mbemanye abanyene. **Amaiso abo nigo aranyititoke ase chingoro chiabo ime ase ogoakwa kwa gatano na kabere.**”⁶

⁽⁴⁾ Agakwanera igoro y’ogoakwa kwa gatano na kabere:

“Onde takominchoria!

Nimbamanyete mwensi

ase amarieta aino.

Onde oino taiyo

oraminchorie!”

Chindoto na Amaroro

Egesieri 519, Amaroro Namba 8

⁽¹⁾ Omotomwa one agantebia inchuo, YESO Omonene one, nigo antebetie nkoire ase obomenyo bwa Ellen White erio orore ase etaya⁷ eye erimirie ya Laodekia ebekire.

^{5 21} Rirorio, nyora noboitongo ring’ana mwaeirwe, erio riranyare gotooria emioyo yaino, ase okobeka aare ogotacheneka gwonsi na **obobe boetanetie.**

^{6 12} Amaakwa aya naro YAHWEH ararue ase abanto

abwo bonsi barache, korwania Yerusalemu: Chinyama chi'emebere yabo nchigunde ekero bagendererete gotenena namagoro abo, na **amaiso abo nagunde ekero are ase chinyongo chiabo ime**, ne chimeme chiabo nchigunde ase emenwa yabo ime. *Zakaria* 14:12

⁷ ¹¹ Akamoiraneria, “Onde tari, Omonene.” YESO akamotebia, “Nainche tingokogambia. Genda, korende korwa bono kogenderera, **tokora ebibe naende.**” ¹² Yeso agakwana nabarabwo naende, akabora, **“Inche nomobaso bw'ense. Oyogontunyana takogenda ase omosunte, korende nabe nomobaso bw'obogima.”** *Yohana* 8:11-12.

¹⁴ **Inwe nomobaso bw'ense.** Omochie oagachire ase ekegoro igoro tokobiseka. ¹⁵ Nonya nabanto tibagotonga etaya na koyemumeka negetonga, korende nigo bakoyebeka igoro ase ekebekerero, ebae oborabu bonsi abare nyomba ime. ¹⁶ Na omobaso oino obare ase abanto, goika barore emeremo yaino emiya, batogie iso oino ore igoro. ¹⁷ **“Timokaga ng'a nigo nachire gosaria amachiko, gose amang'ana `ababani.** Tinachete kobisaria, korende ase okobiikerania. *Matayo* 5:14-17. ³ Naki aya amachiko [*tora: amorokererio ase oboronge*] atare konyara gokora, ekiagera nigo arenge amareu ase engencho y'ebibe bi'emebere ya mwanabanto, YAHWEH agakora ase ogotoma omwana oye omonyene ase omogwekano bw'engencho yaito y'ebibe, na ase engencho y'ebibe, **akagambia ebibe ase omobere oya o mwanabanto:** ⁴ **erinde ekerigirie ime ase amachiko** [*tora: amorokererio ase oboronge*] **geikeranigwe ime yaito**, aba totari gotunyana chingencho chiaito chi'ebibe, korende chingencho chi'omoika. *Abarumi* 8:3-4

⁽²⁾ Ekero twaigete ime ya Amerika, Silver Spring, Maryland, agantebia, **“Tobaisa koiroka. YESO nakoroche igaa. Norendire korwa ase saitani amo nebirecha biaye.”**

⁽³⁾ Nkarora obomenyo obo, obwo bwarikire:

ESINAGOGI ya saitani.

⁽⁴⁾ Tinatagete gosoa ime. Omotomwa one agantebia, **“Toiroka, YESO nakoroche. Norendire. YESO omwana o Nyasae, nere orika chinuguta echi nebiara biaye omonyene.”**

⁽⁵⁾ Nigo narengere koiguswa. Nkarora etaya ya Laodekia, eyio igoro ase ero chinamba echi chiarikire:

1845.

⁽⁶⁾ Nkanyerora kere gati y'emegwekano y'ogosasimwa, ebinto bie rigori bi'ogwechabera, amatete akobekwa igoti, chianga chi'amarionya chi'okwegokia. Nkarora ebitambaa biria bigotuba chitirisa bibwate chirangi chiburukaine echie etahabu ne chimbariri. Nkarora ase chisani gete chindagera chitachenegeti, enyama etachenegeti, chinyoni chitachenegeti na chi'okogechia.

⁽⁷⁾ Ngatebigwa nomoika igoro ya bionsi ebio biarenge ase aase aya. Nkaigwa omoika ore mamincha noyone.. Nkaba nkoayerera nsoke korwa aiga. Togasoka nomotomwa one.

Chindoto na Amaroro

Egesieri 519, Amaroro Namba 9

⁽¹⁾ Agantebia, **“Nanyorire ogochika kw'ogokoirania gochia igoro. YESO, Omonene one, nigo agakoganyete.”**

⁽²⁾ Ngasiria okorora kw'ebinto bionsi inse aiga: “Obomenyo, etaya, emegwekano y'ogosasimwa ya Babeli. Akang'ira, agansoyia ase omosangererekano bw'abamalaika, agwo ase nabwate ribaga riane. Ngaikaransa bosio. Korwa agwo ase narengere, ngasoa ase amaroro.

⁽³⁾ Nkarora YESO ime y'erioki rie chitaya isano nemo ⁽⁶⁾ (egekogerera etaya ya Laodekia yarusigwe aase aye).

⁽⁴⁾ Omwana o Nyasae akandigereria. Akangokera. Nigo narengere ang'e nere ime ase erumu eye. Agakunama akabogoria etaya. Akaigora egesieri na gosoka korwa ase erumu eye.

⁽⁵⁾ Ngasiria okorora kw'amaroro ya aase aya.

Chindoto na Amaroro

Egesieri 519, Amaroro Namba 10

⁽¹⁾ Obokiriru bokabao. Obokiriru bwa beene bokaba igoro.

⁽²⁾ Ngaikaransa bosio, ase omosangererekano bw'abamalaika. Nigo narengere gotunya egekorwa eke ki'engencho enene mono ekio kiarenge kooroka igoro.

⁽³⁾ Igoro egakira kiri, eganyete koigwa eki YESO arengere gochia gokwana ase engaki eye kare netaya enyia.

(4) Nkamorora YESO, omonene na oyo bw'obonene. Chianga chiaye nigo chiare chindabu, oborabu bokomesa. Nigo abogoretie etaya, erio mobosokano akayeimokereria igoro, igoro mono bosio bw'omosangererekano bw'abamalaika.

(5) Nkarora chinsagia chiaye isano na ibere (7), echio ebibemberi biabo ebirabu bi'omorero biamoregete obosio bwa YESO.

(6) Asende YESO akarorekana buna nigo abwate obotambe gochia igoro bwe chimita 3.50 [chibuti 11.5]. Nigo arenge omotambe na oyore nokobua. Nkagokigwa. Naki abamenyi ba igoro bakamenyete engaki ya beene na engiya mono!

(7) Nkaraagwa nomoika, ng'a chinse chiria chimenyire nigo chiarengere kobwatia egekorwa eke kia beene na bakarora onsi ayio narochi korwa sobo (ase bamenyete).

(8) Nkagenderera koraagwa nomoika, YESO nigo abwate ekerengererio igoro ya bamura na basubati baminto b'Ekanisa ya Filadelfia "Entigari" ere igoro ase ense. Ekerereretia, nkeigwa **nang'ana naki atwanchete!**

(9) Ngatebigwa nomoika igoro ya bamura na basubati bamwabo b'Ekeyahudi ime ase ense.

(10) Akandigereria na kongokera. Omwana o Nyasae nigo agendererete koimokia etaya igoro, igoro mono, nerioki nomorero nigo biarengere gosokia rimisu rigiya ase omosangererekano bw'abamalaika. Nigo riarengere gotioka buya. Nigo riabwate ogotioka okuya kw'obotioku bwa ubani. Nigo riarengere gotioka buya. Nkarora ng'a erioki riare korwa ase chinsagia nigo riarengere kogenda kera aase ase omosangererekano bw'abamalaika.

(11) Erio YESO agasiria obokiriru obo bwa beene, na obonene, na goteba, **"Aiga nao okoremereria kw'abachenu kore, abwo babwatete amachiko a Nyasae amo nokwegena kwa YESO.* OKWEGENA KWA YESO: NOMOIKA BW'OBOBANI.**

⁸ Korende onye timokonyigwera na **kobwatia amachiko aya onsi**, na onye timokobwatia aya nachikire, naende komoraange emeroberio yane echikire, na **timokora amachiko aane onsi**, korende mobe mogosaria okobwatana kwane kw'ogotianania, rirorio nainche nimbakorere amang'ana aya:

Nimbarentere omoondoko mobosokano, na oborwaire bokoria emebere, na obw'ogosaria amaiso, na obw'ogokooro obogima. Namobusure chindagera, korende timokonyora gento, ekiagera ababisa baino nabwo barachirie. Nimbe mamincha yaino, nainwe namobugwe nababisa baino. Abanto babagechete nabwo barabagambere, na inwe namobugwe nababisa baino. Abanto babagechete nabwo baragambere, na inwe mobe mogotama nonya monto onde tari okobabwatia. Amang'ana aya onsi karabe abanyorire, na inwe mogendererete kwanga konyigwera, erio nario ndabae egesusuro ara gatano na kabere ase engencho y'ebibe biaino. *Abalawi 26:14-18*

⁹ Na ase omomalaika bw'ekanisa ya **Laodekia**, rika, "Ase igo oyo **bw'ekeene** [oyomo], omwegenwa na kirori **bw'ekeene** naende omochakano [ritunda] bw'ebitungwa bia Nyasae agoteba. Namanyire ogokora kwao. Tori morero gose omokendu. Anga mbuya onye nkwaba omokendu gose morero. Nabo, ekiagera ore igatwa, **otari morero gose omokendu, ngochia inde kogotwa korwa ase omonwa one...** *Okomaanoka 3:14-16.*

¹⁰ Na ase omomalaika bw'omosangererekano ore Filadelfia rika: "Ere oyore omochenu, ere oyore **bw'ekeene**, oyore nekeigorero gia Daudi..." *Okomaanoka 3:7*

(12) YESO agateba, "Etaya eye netaya ya **Filadelfia.**" Agakwana buya:

"Ekanisa ya Filadelfia."

(13) Obokiriru obo nigo bwarengere obw'ekeng'ese gi'ensa na goetania.

(14) Akagenderera namariko a Yohana ase *Okomaanoka*; korwa ase Yohana arikire gochia ase omomalaika bw'ekanisa ya Filadelfia — agakwana neriogi na koigwekana buya, *ogoteba*:

(Okom. 3:7) **"Amang'ana aya naro ere oyore omochenu agokwana, ere oyore bw'ekeene⁹, oyore nekeigorero gia Daudi,¹⁰ oyokoigora, naende onde tari oranyare gosieka, nere ogosieka, gose onde tari oranyare koigora:**

(Okom. 3:8) **Namanyire ogokora kwao: Rora, nakoeire egesieri keigoire ase obosio bwao, gose onde tari oranyare kogesieka,** ekiagera nigo ore nechinguru chinke, naye norendete ring'ana riane, gose tokaneti erieta riane.

(Okom. 3:9) **Rora, ninkore abande b'esinagogi ya**

saitani, abwo bagoteba ng'a n'Abayahudi bare, ko tibiari bo, korende nabanyaborimo; rora, nimbarente bache batung'ame ase amagoro ao, na bamanye ng'a ningwanchete.

(Okom. 3:10) **Ekiagera obwatete ring'ana riane ri'oboremereria, inche ninkorende korwa ase engaki y'ogoteemwa, eyere ang'e gochera ense yonsi, goteema abwo bamenyete ase ense.**

(Okom. 3:11) **Rora, ngochande bwango, bwata mono eki ore nakio, erinde monto onde tacha aire egutwa yao.**

(Okom. 3:12) **Ere oyorabue, nimobeke abe esiuro ase hekalu ya Nysase one, ere tagosoka korwao nonya ng'ake, nainche nindike asare erieta ria Nyasae one, na erieta ri'omochie o Nyasae one, Yerusalemu omoyia, oyogoika korwa igoro, korwa ase Nyasae one, na erieta riane riyia.**

(Okom. 3:13) **Ere oyore namato akoigwera, tiga aigwe eki omoika ogotobia chikanisa!"**

Chindoto na Amaroro

Egesieri 519, Amaroro Namba 11

⁽¹⁾ Nyuma gakwanire amariko are ime y'Okomaanoka kwa Yohana, arikeire omomalaika o Filadelfia, YESO akabeka etaya egosokia erioki amo nomorero omorabu ase amagoro aye.

⁽²⁾ Agakwana nerioigi rinene rikoigwekana buya:

Omoika bw'obobano oorogetigwe gochia ase Ellen White ase omwaka 1845

oetigwe naende gochia ase ekanisa ya Filadelfia."

⁽³⁾ "Narusirie etaya eria erimete korwa ase Laodekia, eyio yabwate omoika one na omoika bw'obobani. Nayoetirie naende gochia ase Filadelfia."

⁽⁴⁾ YESO agateba, "Laodekia nigo ekwete; tebwati kende getigarete, gento tabuga. Yarusigwe korwa ase obokuani bwane."

⁽⁵⁾ "Nigo ekwete. Nigo ere omotayayi. Oborabu bw'etaya yaye nigo bwarimete. Tibari naende abanto bane, omoriakari one."

⁽⁶⁾ "Omoriakari one nigo are ekanisa ya Filadelfia igoro ase ense."

⁽⁷⁾ "Nao inde amo nero goika okoirana kwane igoro ase amare."

⁽⁸⁾ "Omoika bw'obobani, oborori bwa YESO obwo bwaorogetigwe ase Ellen White nigo bore obomo amo ne Chindoto na Amaroro chia Jeanine Sautron. Nigo bobwate

EKEMANYERERIO KIA NYASAE."

⁽⁹⁾ Chikwaya chi'abamalaika, kobachia koigwa eriogi ri'obokano, amariogi abo akabwatana ase okomoraria YESO.

⁽¹⁰⁾ Nigo kore okobwatanigwa kw'enyuomo yaye amo nekanisa yaye. Abamalaika nigo bamogokerete na komoimokereria YESO igoro. Nigo yareng'e omochengo, omogoko omonene amo **nomoriakari oye, Filadelfia.** Nkaiguswa.

Chindoto na Amaroro

Egesieri 519, Amaroro Namba 12

⁽¹⁾ Ekero omomalaika orenge ase obokoreri aimogetie etaya erio ayebeke amo nechinde chiria isano (5), nkaba kinde ase oborori, na nkarora igoro ase ensagia eyemo kerikire:

Filadelfia, omwaka 1845.

⁽²⁾ Ase oborori obo nkamanya ng'a Laodekia tiyarenge rinde naende. Omoika o Nyasae amo nomoika bw'obobani oetigwe gochia ase etaya eyio ere eya Filadelfia.

⁽³⁾ Eke nakio gekogera konya YESO antebirie mbwatanie *Chindoto na Amaroro* amo nokomaanorwa kw'omoika bw'obobani bw'Ellen White.

⁽⁴⁾ YESO agateba **nerioigi rinene na rikoigweka buya, "Tegoeta enuguta eyemo gose aganto agake mono korwa ase amachiko, goika bionsi biikeranigwe.**

⁽⁵⁾ Nigo yareng'e omochengo. Chikwaya chigachaka *gotera* naende nerioigi rinene mono mono. Igoro nigo yareng'e kogokera okobwatanigwa kw'enyuomo ya YESO amo nomorugi oye.

⁽⁶⁾ Igoro nigo yareng'e gotera. Nkaigwa amariogi y'amakano. Nkaba nobotoeruru. Naki bogakare oboseera bokang'ana! Nkarora YESO kagogete: Nabwate omorugi igoro ase ense.

⁽⁷⁾ Nkaigwa chikwaya chi'abamalaika, amakano,

bionsi ebio, biburukaine amo neriogi ri'amache amange, nechinkoba. Igoro nigo yare kwegokia ase enyuomo ya YESO amo na "abatigari" baye abake bare igoro ase ense. Nigo yare "abatigari" abake.

⁽⁸⁾ YESO agateba, **"Omokungu one 'nabatigari' aba abake, amo na 'abatigari' b'Abayahudi ime ase ense."**

⁽⁹⁾ Erio abamalaika bakagenda kwearigania abanyene ase omotimoko bw'ESABATO."

⁽¹⁰⁾ Nigo narengi buya aiga ase nabekire ase omosangererkano bw'abamalaika. Nkarengereria mbera amo nabarabwo ase engaki etambe.

ase ense ase bamura na basubati bamino asengencho y'ESABATO."

⁽¹²⁾ Agantebia, "Tori gochia kobatiga igoro ase ense. Mbakogantie."

⁽¹³⁾ Ngatebia YESO, "Ning'irane gocha aiga, ning'irane erio titwatananekana rinde."

⁽¹⁴⁾ Agantebia, "Renda egutwa yao."

⁽¹⁵⁾ **"Korabe omwegenwa...,"**

YESO agantebia, **"korabe omwegenwa."**

⁽¹⁶⁾ "Ngochande!

okoirana kwane

mbwango kore!

ngochande.

kabe ang'e."

⁽¹⁷⁾ YESO agateba, kagokwanera "abatigari" abake ba Filadelfia,

"Nigo mbanchete

nobwanchani bwa kare na kare."

Jeanine Sautron

⁽¹¹⁾ YESO agacha gocha asende na gontebia, "Jeanine, omotomwa oo ngochia are gokoira gochia